

畿辅通志

选举表

第五册

河北人民出版社

选
举
表

畿
辅
通
志
第
五
册

河
北
人
民
出
版
社

畿 辅 通 志

第 五 册

选 举 表

河北人民出版社出版（石家庄市北马路45号）

河北新华印刷一厂印刷 河北省新华书店发行

850×1168毫米 1/32 24印张 556,000字 1989年8月第1版
1989年8月第1次印刷 印数：1—2,000 定价：10.45元

ISBN 7-202-00376-7/K·48

畿辅通志第五册目录

卷三十三	选举表一	(1)
	制举、荐辟	(1)
卷三十四	选举表二	(71)
	进士、明经、乡贡(隋至元)	(71)
卷三十五	选举表三	(127)
	进士(明一)	(127)
卷三十六	选举表四	(245)
	进士(明二)	(245)
卷三十七	选举表五	(357)
	举人(明一)	(357)
卷三十八	选举表六	(497)
	举人(明二)	(497)
卷三十九	选举表七	(649)
	举人(明三)	(649)

畿辅通志卷三十三

表十八

选举一

制举荐辟

历代 国朝

汉

文帝二年，诏举贤良方正、能直言极谏者（《汉书·文帝纪》）。

武帝元光元年冬十一月，初令郡国举孝、廉各一人（《汉书·武帝纪》）。

元封五年，诏令州郡察吏民有茂材异等可为将相及使绝国者（同上）。

初元二年，诏丞相、御史、中二千石举茂材异等、直言极谏之士（《汉书·元帝纪》）。

建武六年，诏公卿举贤良、方正各一人（《后汉书·光武纪》）。

建武十二年八月诏书：三公举茂材各一人，光禄岁举茂材、异行各一人，监察御史、司隶、州牧岁举茂材各一人（《后汉书·百官志》注）。

和帝永元六年三月诏：阴阳不和，水旱违度，令三公、中二千石、二千石、内郡守相举贤良方正、能直言极谏之士各一人（《后汉书·和帝纪》）。

十三年十一月，诏令缘边郡口十万以上岁举孝廉一人，不满十万二岁一二〔“二”字衍〕人，五万以下三岁一人（同上）。

晋

泰始四年六月，诏郡国守相有好学笃道、孝悌忠信、清白异行者，举进之（《晋书·武帝纪》）。

隋

开皇二年正月，诏举贤良（《隋书·高祖纪》）。

唐

贞观十七年五月乙丑，手诏举孝廉茂才异等之士（《旧唐书·太宗纪》）。

天子自诏曰制举，其为名目，随其人主临时所欲，而列为定科者，如贤良方正、直言极谏、博通坟典、达于教化、军谋宏远、堪任将帅、详明政术、可以理人之类，其名最著（《通典》）。

天子自诏曰制举，所以待非常之材。试之日，天子亲临观之，糊其名于中考之，文策高者，特授以美官，其次与出身（《文献通考》）。

宋

制举无常科，所以待天下之才杰，天子每亲策之。然宋之得才，多由进士，而以是科应诏者少，惟召试馆职。及后来博学宏词而得忠鲠，文学之士或起之山林，或取之朝著，召之州县，多至大用焉（《宋史·选举志》）。

开宝三年正月，诏民五千户举孝弟彰闻、德行纯茂者一人，

奇才异行不拘此限，里闾郡国递审连署以闻，仍为治装诣阙（《宋史·太祖纪》）。

天圣七年闰月，复制举六科，增高蹈邱园、沈沦草泽、茂材异等科，又置书判拔萃科（《宋史·仁宗纪》）。

治平三年冬十月，诏宰臣参知政事举才行士可试馆职者，各五人（《宋史·英宗纪》）。

四年十一月，诏近臣各举才行可任使者一人，诏二府各举所知，诏令内外文武官各举有才德行能者（《宋史·神宗纪》）。

熙宁五年八月，诏侍从及诸路监司各举有才行者一人（同上）。

元祐四年，司马光请立经明行修科，岁委升朝文臣各举所知，以勉励天下。遂立科，许各举一人。凡试进士者，及中第唱名日，用以升甲。后分路别立额，州县上之监司，监司考察以闻。预荐者不试于州郡，惟试礼部。不中，许用特奏名格赴廷试，后以为常。既而诏须特命举乃举，毋概以科场年上其名（《宋史·选举志》）。

建炎元年五月，内外大臣限十日各举布衣有才略者一人（《宋史·高宗纪》）。

乾道元年，诏令尚书两省谏议大夫已上御史中丞、学士待制，各举贤良方正、直言极谏一人（《文献通考》）。

景定元年秋七月，诏举孝廉（《宋史·理宗纪》）。

凡童子十五岁已下，能通经作诗赋，州升诸朝，而天子亲试之。其命官、免举无常格。真宗景德二年，抚州宴[晏]殊、大名府姜盖，以童子召试，赐出身。后或罢或否[复]。自仁宗至大观末，赐出身者仅二十人。建炎二年，用旧制，亲试童子，其命官、免举皆临期取旨，无常格。淳熙八年，始分为三等。上等与推恩，中等免文解两次，下等免文解一次，覆试不合格者与赐帛。

宁宗嘉定十四年，命岁取三人，期以季春集阙下，先试于国子监，而中书覆试三[之]，为永制焉。理宗后罢此科，须卓绝能文者，许诸郡荐举(《宋史·选举志》)。

宋初，内外小职任，长吏得自奏辟。熙宁间，悉罢归选部。然要处职任，如沿边兵官、防河捕盗、重课额务场之类，寻又立专法听举，于是辟置不能全废也。元祐以来，屡行屡止。建炎初，诸道郡县残破之余，官吏解散，诸司诱人填阙，皆先领职而后奏给付身。于是州郡守将，假军兴之名，换易官属。朝论患之，乃令厘正，使归部依格注拟。四年，初置诸镇抚使，管内州县官并许辟置。绍兴二年，臣僚以比年帅守、监司辟官，搀夺部注，又多畀以添差不厘务之阙，请裁损。遂命自今已就辟差理资任者，毋得据旧阙以妨下次。六年，诏诸道宣抚司，僚属许本司奏辟。孝宗初，诏内外有专法，辟阙并仍旧。乾道[原漏“乾道”二字]九年，命监司、帅臣，非有著令，不得创行奏辟，毋得搀已差之阙。淳熙三年，命自今极边知县、县令阙官，专委本州守臣奏辟，毋得仍旧权摄；其见摄[原漏以上三字]官留意民事百姓爱服者，许特行奏辟。理宗宝庆三[二]年，以通判、幕职、教授等官，法未尝许辟者，须于各官将满之前具阙。如未有代者，即听申部出阙，满三月无人注拟，申省下本路。通判已下京官阙，从诸司奏辟。选人阙，从漕司定差。作邑未满三年、作倅未满二考，不许预期奏辟也[他]阙。诸司属官不许轻[辄]自辟置，或久阙正官，许令次官暂摄，待朝命方许奏辟(同上)。

元

策名于荐举者，有遗逸，有茂异，有求言，有进书，有童子(《元史·选举志》)。

世祖中统二年四月，命宣抚官举文学才识可以从政及茂材异等，列名上闻，以听擢用（《续通考》）。

元贞元年秋七月，诏申飭中外有儒吏兼通者，各路举之廉访司，每道岁贡二人，省台立法考试，中程者用之。所贡不公，罪其举者（《元史·成宗纪》）。

仁宗皇庆二年六月，河东廉访使赵简言，请选方正博洽之士任翰林侍读、侍讲学士，讲明治道，以广圣听。从之（《元史·仁宗纪》）。

延祐元年正月，敕各省平章为首者及汉人省臣一员，专意访求遗逸（同上）。

至正七年九月，诏举才能学业之人，以备侍卫（《元史·顺帝纪》）。

十二年三月，诏随朝一品职事及省、台、院、六部、翰林、集贤、司农、太常、宣政、宣徽、中政、资政、国子、秘书、崇文、都水诸正宣[官]，各举循良才干、智勇兼全、堪允守令者二人（同上）。

明

太祖甲辰三月，敕中书省，自今有能上书陈言、敷宣治道、武略出众者，参军及都督府具以名闻。或不能文章而识见可取，许诣阙面陈其事（《明史·选举志》）。

洪武元年，征天下贤才至京，授以守令。其年冬，又遣文元[原]吉、詹同、魏观、吴辅、赵寿等，分行天下，访求贤才，各赐白金而遣之。三年，论廷臣有隐居山林或屈在下僚者，令有司悉心推访。六年，复下诏，山林之士德行文艺可称者，有司采举、备礼遣送至京。是年，遂罢科举，别令有司察举贤才，以德行为本，而文艺次之。其目曰聪明正直，曰贤良方正，曰孝弟力田，

曰儒士，曰孝廉，曰秀才，曰人才，曰耆民，皆礼送京师，不次擢用。十七年，复行科举，而荐用[举]之法并行不废。时中外大小臣工皆得科[推]举，下至仓、库、司、局诸杂流，亦令举文学才干之士。其被荐而至者，又令转荐。以故山林岩穴、草茅穷居，无不获自达于上，由布衣而登大僚者不可胜数。

天顺元年，诏处士中有学贯天人、才堪经济、高蹈不求闻达者，所司具实奏闻（俱同上）。

汉

	制 举	荐 辟
文 帝 年	韩婴 燕人，举博士。景帝时为常山王太傅。有传。 董仲舒 广川人，举博士。武帝即位，以贤良对策，擢为胶东王相。有传。 吾丘寿王 赵人，以善格五召待诏。诏从董仲舒受《春秋》，迁授侍中中郎。有传。 冯遂 赵人，唐子。建元初求贤良，举唐，唐年九十余，不能为官，乃以子遂为郎。	隗不疑 渤海人，以暴胜之荐拜青州刺史，历京兆尹。有传。 孟但 河间人，元光中以明《春秋》征，为太子门大夫。有传。
昭 帝 年	赵广汉 蠡吾人，举茂才，为阳翟令，历京兆尹。有传。	韩延寿 燕人，时征贤良，以霍光荐为谏议大夫。有传。

续表

	制 举	荐 辟
昭 帝 年	韩商 燕人，婴孙，举博士，复以明《易》征，待诏殿中。有传。 路温舒 巨鹿人，举孝廉，为山邑丞，历临淮太守。有传。	崔朝 安平人，始元中幽州守辟为从事，历侍御史。
宣 帝 年		王商 钁吾人，大臣荐商行可以备近臣，擢为中郎将。成帝时官丞相。有传。 崔舒 安平人，朝子，历四郡太守。
元 帝 年	京房 顿邱人，初元四年以孝廉为郎官。有传。 王尊 高阳人，初元中举直言，为虢令，历益州刺史。有传。	周堪 文安人，以征拜光禄大夫。
成 帝 年	刘辅 河间人，举孝廉，为襄贲令，历谏大夫。有传。 尹赏 杨氏人，举茂才，为颍阳令，历谏大夫。有传。 鲍宣 渤海高城人，举孝廉为郎，病去，	毛茷 赵人，长文学，征为河间献王博士，历北海太守。有传。

续表

	制 举	荐 辟
成帝年	大司马王商复荐为议郎，历谏大夫。有传。	
哀帝年	尹立 赏子，举茂才，京兆尹。	吴恢 长垣人，以荐历南海太守。
淮阳王年	崔篆 安平人，王莽时为郡文学，以明经征诣公车，太保甄丰举为步兵校尉，建武初又举贤良，为建新尹。	郭凉 右北平人，幽州牧朱浮辟为曹掾。 鲍永 宣子，初举秀才，不应，更始二年征拜尚书仆射。
光武帝年		范升 代郡人，建武二年召征拜议郎，迁博士。 鲍昱 高城人，永子，太守戴涉署为高都长，有名。荆州刺史表上之，中元年迁司隶校尉。 索卢放 东郡人，建武六年征为洛阳令，以疾去。复征，不起。有传。
明帝年	张禹 襄国人，永平八年举孝廉，历太傅。有传。	鲍德 渤海人，昱子，初除为郎，历南阳太守。
章帝年	张敏 郑人，建初二年举孝廉，历尚书。有传。	李梵 清河人，奉诏修三统历。

续表

	制 举	荐 辟
和 帝 年		崔邺 安平人，篆孙。元和中车骑将军黄宪辟为掾。有传。
顺 帝 年	崔璿 安平人，邺中子，举茂才，为汲令，迁济北王相。有传。	
冲 帝 年	李云 河间人，一作山东甘陵人，永嘉中举孝廉，为白马令。	崔烈 安平人，寔从兄，以荐历司徒。有传。
桓 帝 年	崔寔 安平人，瑗子，建和中举至孝独行之士，拜议郎，历五原太守。有传。 崔琦 安平人，举孝廉，除临济长。有传。 刘祐 安国人，举孝廉，任尚书令。有传。 刘淑 河间人，永兴二年司徒种暠举贤良方正，不就。诏使輿病诣京，对策第一，进中郎将。有传。 巴肃 渤海高城人，举孝廉，拜议郎。有传。	周福 清河人，帝为蠡吾侯，受学于福，及即位，征拜尚书。

续表

	制 举	荐 辟
桓 帝 年	鲍昂 渤海高城人，举孝廉，辟公府，不就。 吴祐 长垣人，恢子，举孝廉，胶东侯相。有传。 阳球 渔阳泉州人，举孝廉，补尚书郎，历九江太守。灵帝时左迁议郎。有传。	
灵 帝 年	谢颙 濮阳人，建宁二年对策，除郎中。	卢植 涿人，建宁中征博士，熹平四年九江蛮反，四府选植才兼文武，辟九江太守，历尚书。有传。 张超 郑人，车骑将军朱儁辟为别驾司马。
献 帝 年	田丰 巨鹿人，太尉府辟，复举茂才。有传。 沮授 广平人，举茂才，历县令。袁绍领冀州牧，表为监军、奋威将军。有传。 甄伊 无极人，举孝廉，除曲梁长。	田畴 无终人，曹操署为司空户掾。有传。 刘劭 邯鄲人，御史大夫郗亮辟，迁秘书郎。 贾伯铸 河间人，三府辟。 牵招 安平人，袁绍辟为督军从事。

续表

	制 举	荐 辟
献 帝 年	甄尧 无极人，伉弟，举孝廉。《无极县志》作甄克。 刘放 涿人，举孝廉，司空参军事。魏明帝时为侍中。 时苗 平乡人，举孝廉，为寿春令。	毛玠 长垣人，曹操临兖州，辟为治中从事。 沐井 河间人，曹操辟为军谋掾。 卢毓 涿人，崔琰荐为冀州主簿。魏青龙三年为侍中。 孙礼 容城人，曹操平幽州，辟为军谋掾。 邢颙 郑人，举孝廉，司徒辟，皆不就。建安十二年曹操辟为冀州从事。

年次无考者附录于后：

刘雄（涿州人，举孝廉，为东郡范阳令）。侯芭（巨鹿人，举孝廉。有传）。胡常（清河人，明《春秋》，征博士，历刺史）。房植（清河人，以经学知名，李固荐，应征。有传）。刘统（清河人，以明《诗》征）。吴凤（长垣人，祐长子，乐浪太子〔守〕）。吴恺（长垣人，新息令）。吴冯（长垣人，凤子，颍阳王〔侯〕相）。戴德（成安人，信都王太傅）戴圣（成安人，德从子，九江太守）。

谨案：旧志载有苑康，桓帝时举孝廉，泰山太守，《汉书》作乐陵人，不录。

三国魏

续表

	制 举	荐 辟
明 帝 年		毛机 长垣人，玠子，辟郎中。 乐隐 安平人，车骑将军何苗辟为长吏。 毕湛 任邱人，张郃荐为将军博士。 张璠 巨鹿人，太和中诏求隐逸能消灾异者，郡府荐璠，璠辞老病不行。有传。
邵 陵 公 年		卢钦 涿人，毓子，举孝廉，不行。魏大将军曹[应补“爽”字]辟为掾。晋宣为太傅，辟为从事中郎。 王黎 高邑人，正始中以丁谧荐为黄门侍郎。
元 帝 年		张华 方城人，郡守鲜于嗣荐太常博士。晋授[受]禅，拜黄门侍郎。元康朝为侍中、中书监。

年次无考者附录于后：

张郃（鄆人，封都乡侯）。李覃（安平人，朝议郎）。崔赞（安平人，左仆射）。冯浮（安平人，司隶校尉）。朱钦道（广平人，以书记为秘书监）。张楫（清河人，博士）。王经（清河人，江夏太守。有传）。

晋

续表

	制 举	荐 辟
武帝年		卢志 涿人，敏孙，辟公府掾，为成[应补“都”字]王颖谋主。赵王伦败，加散骑常侍。有传。 卢浮 涿人，敏子，患废疾，朝廷器重之，就家以为国子博士，迁祭酒。 程卫 斥章人，刘毅辟为都官从事，又辟为公府掾。有传。
惠帝年	封抽 渤海人，建武初举贤才。 卢谡 涿人，志子，举秀才，辟太尉掾，后为刘琨参军。 祖约 范阳道人，邈弟，举孝廉，为成皋令。元帝初为从事中郎。	束皙 元城人，察考廉，举茂才，皆不就。王戎辟为掾，迁博士。有传。 刘沈 蓟人，太保卫璠辟为掾，后领雍州刺史。有传。 刘舆 中山魏昌人，秘书监贾谧辟帅府尚书郎，东海王越用事，引为左长史。 刘琨 舆弟，太尉王恭辟为掾，后为并州刺史。 祖逖 道人，察孝廉，再举秀才，皆不就。齐王冏辟为大司马掾，元帝时为豫州刺史。有传。